



Հայրապետական Մաղթանք Կաթողիկոս Ս. Էջմիածնի տոնի առիթով (18 հունիսի 2017)

ԿՐՕՆԱԳԻՏԱԿԱՆ

Տ. ՍՈՒՇԵՂ ԵՊԻՍԿՈՊՈՍ ԲԱԲԱՅԱՆԻ ՔԱՐՈՉԸ՝
ԽՈՍՎԱԾ Ս. ԷԶՄԻԱԾՆԻ ՍԱՅՐ ՏԱՃԱՐՈՒՄ
ԿԱԹՈՂԻԿԵ Ս. ԷԶՄԻԱԾՆԻ ՏՈՆԻ ԱՌԻԹՈՎ
(18 հունիսի, 2017 թ.)

«Իմաստություն շինեսց իւր րուն»
(Առ. Թ. 1)

Յանսն Հօր և Որդւոյ և Հոգւոյն Սրբոյ. ամէն:

Սիրելի՛ քույրեր ու եղբայրներ, հավատավոր ուխտավորներ եւ այցելուներ, Աստվածհայտնութեան բացառիկ հրաշքները ականատեսներին երջանկագոյն մխիթարութիւն եւ սփոփանք են բերել: Աստծո սրբարար ներկայութեան զգացումը անհատների եւ ազգերի համար գաղափարի, արժեհամակարգի ու մշակույթի հիմնովին փոփոխութեան դժվարագոյն անցումը հաղթահարելի է դարձրել: Աստծո այցելութիւնը մարդկութեանը սխրանքի է մղել՝ քարեղենացնելու եւ ոգեղենացնելու ակնթարթը:

«Էջ Միածինն ի Հօրէ եւ լոյս փառաց ընդ Նմա...» (Շարակնոց): Շարականագրի հանճարեղ տողերը գեղեցկագոյնս նկարագրել եւ դարերի խորքից մեզ են փոխանցել Միածնի՝ Հայոց ազգին այցելութեան դարակազմիկ պահը՝ հավատքի մեր հոր՝ Սուրբ Լուսավորչի աղոթքին ընդառաջ:

Տանջահար մարմնով, ծնկաչոք, խոնարհ, դալկացած եւ ոսկրացած դեմքի հանգստութեան ու հանդարտութեան տակ սքողված մտահոգութիւն կար. «սրախողխող» կույսերի սուրբ նշխարները՝ մայր հողին մնացած, երկիրը հայոց՝ աստվածներին զոհած ճենճերի հոտով տարածված, արքունիքը՝ արքայի հանկարծահաս հիվանդութեամբ շվար, մեն միայնակ՝ թորգոմյան ազգի ճակատագրին ընդառաջ:

Տարիներ ի վեր խոր գուբի մեջ խավարը խարխափող ձեռքերը ձեռնամած սուրբը բաց երկնքի տակ աղոթք էր մրմնջում՝ առանց աղոթքի տան:

Եվ «յանկարծակի եղեւ ձայն սաստկութեան... եւ բացաւ խորանաչէն յարկն հաստատութեան երկնից», եւ հայտնվեց Միածինը: Յնծություն եկավ Սուրբ Գրիգորի հոգնաբեկ դեմքին: Պատասխան ստացավ նրա անհանգիստ հոգին: Մխիթարվեց տեսածով: Քրիստոս՝ Աստվածորդին այցելեց եւ լույս ծագեցրեց հայոց երկնակամարի վրա՝ լուսեղեն սյուներով գծագրելով տաճար-կանթեղը, որից ցայսօր էլ լուսավորվում է ողջ աշխարհը Հայոց:

Սիրելինե՛ր, երկինքները միայն Հրեաստանի լեռների ու դաշտերի վրա չեն բացվել, երկնակամարը հրեա ժողովրդին առաջնորդելու համար չի ճեղքվել միայն:

Հայոց հողին էլ իջավ Աստված, սրբացրեց այն եւ բնակվեց այնտեղ: Ոսկե ուռամբ հաստատեց «զսուրբ խորանն լուսոյ», եւ այդ հայտնության ու եկեղեցու հիմնարկեքի պանծալի հիշատակության համար այսօր համայն աշխարհից հավաքվել ենք նրա սրբարար կամարների ներքո՝ փոքր եւ մեծ, արք եւ կանայք, պաշտոնյա եւ սպասավոր: 1714-րդ տոնն է այսօր քրիստոսահիմն Կաթողիկե Սրբոյ Էջմիածնի:

Բացառիկ է այն եւ խորախորհուրդ: Պարգեւ ու ընծա աղոթքի: Քառացած տեսիլք: Աստծո այցելության անջնջելի հետք: Խառանված կնիք «ի վերայ դաշտին Այրարատեան»: Լուսակառույց այս սրբավայրի հիմքը ջրհեղեղը հաղթահարած ապառաժներն են, որի վրա Սուրբ Լուսավորչի ձեռամբ, նրա Սուրբ Աջով օրհնվեց ու հաստատվեց տիրապատվիրան «Աթոռը քահանայապետական»՝ իբրեւ մայր հայոց բոլոր եկեղեցիների: Արդ, ավետարանական պատումի նման, հողմը եւ մրրիկը, փոթորկոտ մարտահրավերները սարսափելի չէին, քանզի հավատքի վեմի վրա էր կառուցվել սրբազնասուրբ մեր եկեղեցին: Այդ հաստատուն հավատքով է, որ նորադարձ արքան, հայոց աշխարհի անսասանության գրավականը քրիստոնեություն մեջ գտնելով, իր թիկունքին Քրիստոսաէջք եկեղեցու վեմերը Արարատի տապանահար քարերից բերեց եւ հայոց երկրի ամբողջության հոգեւոր բերդը կառուցեց... Տեսիլքը Հայրապետի եւ ուժն ու հավատքը թագավորի: Քրիստոսով այս միասնությունն է, որ այսօր եւս օրինակ է բոլորիս համար: Պատմության ընթացքում մեր ազգին հասած վայրիվերումների հետ այս Սուրբ տաճարն էլ հաճախ խոնարհվել, անջքացել է, բայց միշտ վեր է հառնել կրկին շնորհիվ հայորդյաց, որոնց սերն առ Էջմիածին մղել է գոհողության:

«Երանի նրան, ով հիշատակ ունի ի Սուրբ Էջմիածին», - ասել են մեր հայրերը:

Սերը, գորովանքն ու նվիրումը առ Սուրբ Էջմիածինը անչափելի, անկշռելի եւ անգնահատելի են: Մեզանից ոմանք սիրում են նրա անսա-



«Ի վերայ Աջոյն եւ Սրբոյ Էջմիածնի ամենայն ազգն Հայոց կապեալ կան»: Լոկ արտահայտություն կամ թևավոր խոսք չէ սա, այլ՝ կյանքով ապրված, պատմությամբ վկայված ճշմարտություն, որը խոստովանում և ընդունում է աշխարհի ամեն ծագում ապրող հայ ...»:

(Տ. Մուշեղ եպիսկոպոս Բաբայան, Կաթողիկե Ս. Էջմիածնի տոնի առիթով արտասանված քարոզից, 18 հունիսի 2017):

սանուկթյան համար իրենց աղոթքով, ոմանք իրենց սերն արտահայտում են սրտաբուխ կամ առատաբուխ նվիրատվությամբ՝ նրա շենուկթյան ու պայծառուկթյան համար: Ոմանք իրենց սերը փոխանցում են նրանց, որոնց պատմում են հրաշագործ նրա գորուկթյան ու փառքի մասին՝ ամենուր տարածելով աստվածահաստատ հռչակը նրա:

Այսօր եւս ապրում է Սուրբ Էջմիածինը:

Էջմիածինը, սիրելի՛ հավատացյալներ, ձեզ եւ ձեր նախորդների հետ, ձեր հավատքի շնորհիվ, ձեր աղոթքների ուժով է, որ քարեղեն շինվածքից աղոթքի տուն եւ սնող մայր է դարձել ու մնում է այգպիսին: Ո՞վ պիտի մտածեր, որ օրերից մի օր, օվկիանից այն կողմ պիտի անցներ հայը: Ո՞վ կկամենա Էջմիածնի ջերմուկթյունը միայն սրտում ծրարել: Եվ այսօր, սիրելիներ՛, Կաթողիկե Էջմիածնի տոնին, Իջման Սուրբ Սեղանի առջեւ բողոք ուխտենք՝ եթե ոչ տարին մեկ անգամ, ապա հաճախ այցելել Սուրբ Էջմիածին, զորանալ նրանով եւ զորացնել նրան. «Ուխտս դիք եւ կատարեցէք»: Ապրենք Էջմիածնով, շնչենք նրանով, շենացնենք այն եւ պայծառանա՛նք հայոց եկեղեցյաց Մայր Աթոռ Սուրբ Էջմիածնով:

Ազգեր ելան եւ անկան, գնացին անհետ: Արհավիրքներ բարձրացան, բայց Քրիստոսի հավատքին փարված մեր ազգը հայոց խաչով եւ Էջմիածնում բարձրացված Հայրապետական եւ Հանրապետական մաղթանքի գորուկթյամբ դիմակայեց: Էջմիածինն է, որ դարեր ի վեր մեր անօրինակ պատմուկթյան ընթացքում, իբրեւ սիրասուն մայր սնեց եւ որպես ամուր վահան պահպանեց մեզ՝ հասցնելով 21-րդ դար:

Դեռ դարեր առաջ իմաստուն պատմագիրը, վերլուծելով մեր ազգին հասած դեպքերն ու անցքերը, պիտի քանդակեր յուրաքանչյուրիս հոգում եւ սրտում՝ «Ի վերայ Աջոյն եւ Սրբոյ Էջմիածնի ամենայն ազգն Հայոց կապեալ կան»: Լոկ արտահայտուկթյուն կամ թեւավոր խոսք չէ սա, այլ՝ կյանքով ապրված, պատմուկթյամբ վկայված ճշմարտուկթյուն, որը խոստովանում եւ ընդունում է աշխարհի ամեն ծագում ապրող հայ եւ հայ հոգեւորական, որոնցից շատերն այսօր այստեղ են՝ աղոթքով իրենց ուխտը նորոգելու, Իջման Սուրբ խորանին պատարագված Քրիստոսի սրբարար մարմնին ու արյանը կրկին հաղորդելու համար:

Սիրելի՛ հավատացյալներ, այսօր ձեզ հետ պատարագի սրբազան արարողուկթյանը ուխտավորաբար ներկա են նաեւ Մայր Աթոռ Սուրբ Էջմիածնի սիրով առկեցուն բարերարներ Պետրոս եւ Աննա Օրունճագչիկները՝ իրենց բազմանդամ ընտանիքով: Աղոթք բարձրացրինք նրանց գերդաստանի հին եւ նոր ննջեցյալների հոգիների հանգստուկթյան համար:

Սիրելիներ, քիչ հետո պիտի կատարվի մաղթանք Սուրբ Էջմիածնի: Թույլ տվեք Ձեր բոլորի անունից շնորհավորել ազգիս Վեհափառ Հայրապետին եւ ասել. Հայրապետ Հայոց, արթուն դէտ Աթոռին Թադէոսի եւ Բարդուղիմէոսի առաքելոց եւ գահակալ լուսաւորչահիմն Սրբոյ Էջմիածնի, Ձեր հայրապետութեան արգասաբեր 18 տարիները բարեբեր եղան մեր Հայրենիքի, Սուրբ Էջմիածնի եւ նրա միւռնոնով մկրտեալ աշխարհասփիւռ հայութեան համար: Այստեղ գումարեալ Ձեր զաւակները՝ աշխարհական եւ հոգեւորական դասը, միանում ենք Ձեր երջանկայիշատակ նախորդներից Սիմէոն Երեւանցի կաթողիկոսին եւ նրա իսկ յօրինեալ աղօթքով դիմում առ Աստուած. «Ո՛վ Տէր իմ Յիսուս Քրիստոս, զՔոյակերտ եւ Քոյահաստատ Աթոռդ՝ զի ըստ հաւատոյ եւ ըստ հոգւոյ ծնօղն մեր զսուրբ Էջմիածին, զոր քոյով իջմամբդ հիմնարկեցէր, աստուածայնով լուսովդ ձեւակերպեցէր... աղաչեմք զքեզ... հաստատուն եւ անշարժ պահեա զնա ի վերայ անխախտելի վիմիդ՝ ըստ անսուտ խոստմանդ քոյ: Անպակաս արա ի նմանէ զմշտագեղ եւ զհոգեպարար շնորհս Հոգւոյդ Սրբոյ... զօրացո եւ պայծառացո օր ըստ օրէ: Զարդարուն եւ պերճ պահեա զնա միշտ քոյալնտիր Հայրապետօք, շնորհափայլ Եպիսկոպոսօք եւ Վարդապետօք, եւ ամենայն մանկամբք... ի շինութեան, ի բարեկարգութեան եւ ի խաղաղութեան...» այժմ եւ միշտ եւ հավիտյանս հավիտենից, ամեն:

